

Galicia Encantada



ANIVERSARIO
2005 * 2025
Enciclopedia de Fantasia Popular de Galicia

Augas

CATEGORÍAS RELACIONADAS

A serpe mariña do Coído de San Cibrao

Á enseada de Coído, en San Cibrao, concello de Cervó (Lugo) achégase cada sete anos unha xigantesca serpe para poñer os ovos. Mide arredor de trinta metros.

Os que a viron din que ten a cor vermella e que a súa pel brilla por mor do sal; as escamas son coma as cunchas dos mexillóns.

Devora todo canto se lle pon por diante e se atopa un barco, enróscase nel ata desfacelo e engulir os mariñeiros un por un, comezando pola cabeza.

Tamén se pode mover pola terra pero é menos agresiva. Se alguén a espía e ela o percibe, perségueo ata devoralo a el, a súa familia e a súa facenda. Todo o mundo sabe en San Cibrao que se ven a serpe hai que gardarse: os pescadores foxen e os pastores levan os seus rabaños a paraxes alonxadas do mar. A serpe, ademais, avisa da súa chegada. Come algunha ovella e vai deixando ó chou montóns de lá polos camiños.

Discuten algúns que a serpe vén cada nove anos e non cada sete; outros afirman que vén máis veces, e aínda din que non hai só unha serpe, senón varias pois de tantos ovos como debe levar postos algúns darían nacemento a novas serpes coma que disque hai no encoro de Riocobo.

BIBLIOGRAFÍA

CUBA, X. R., MIRANDA, X. E REIGOSA, A., Dicionario dos seres míticos galegos, Xerais, Vigo, 1999.